

- aa.* Femora anteriora subtus ut in typo *Platamode* (antèa, p. 30) armata.
- b.* Lamina supra-analis ♀ integra, late triangularis, acuta. (Elytra ♀ parum elongata.) (Species testaceæ.)
- c.* Lamina supra-analis sulco divisa.—10. *dilatata*, Sss.
- cc.* Lamina supra-analis indivisa.—11. *vitrea*, Br.
- bb.* Lamina supra-analis ♀ minute incisa. (Elytra ♀ abdominis longitudine.)
- c.* Sat minuta, castanea, testaceo-marginata.—12. *orizabæ*, Sss.
- cc.* Testaceæ, pronoti disco consperso vel flavido.
- d.* Minor, pallida; elytris abdomen parum superantibus.—13. *acolhua*, Sss.
- dd.* Majores.
- e.* Pronoti disco flavido; lamina supra-anali ♀ breviter fissa.—14. *maya*, sp. n.
- ee.* Pronoti disco fusco-marmorato.—15. *zapoteca*, Sss.
- aaa.* Incertæ sedis.
- b.* Lamina supra-analis ♂ obtusangula. (Femina ignota.)—16. *chichimeca*, Sss.
- bb.* Lamina supra-analis trigono-rotundata.—17. *mexicana*, Sss.

1. *Blatta germanica*, Linn.

Blatta germanica, Linn. Syst. Nat. 12th edit. i. 2, p. 688. 9, et auctt.

Phyllodromia germanica, Brunn. de W. Syst. Blatt. p. 90. 1, fig. 7.

Phyllodromia bivittata, Serville, Orthopt. p. 108. 37.

Blatta bivittata, Saussure, Mém. Mex., Blatt. p. 102. 41 (nec auctt.).

Femora anteriora subtus et ad apicem spinulosa. Lamina supra-analis ♂ grandis, plana, acute trigonalis, retro valde prominula.

Hab. MEXICO; CENTRAL AMERICA. Species in toto orbi occurrens, verisimiliter ex Asia diffusa.

2. *Blatta nahua*, sp. n. (Tab. IV. figg. 19–21.)

Valida, tota pallide testacea, abdomine fusco-testaceo. Oculi invicem sat propinqui, a supero visi convergentes. Facies maculis fuscis 4 invicem valde remotis in lineam transversam dispositis, necnon inter antennas 2, frequenter obsoletis; frons supra antennas linea transversa fusca; vertex inter oculos vitta transversa fusca. Pronotum pellucidum, subellipticum, margine posteriore in medio subproducto. Discus totus flavidus, impressionibus parum profundis, punctis nonnullis fuscis regulariter ordinatis, quarum 2 majoribus in parte postica disci. Elytra grandia. Alæ subvitreae, venis testaceis, leviter brunneis; venulis costalibus apice parum sed longe incrassatis; vena ulnaris 4–5-ramosa; vena axillaris 3-ramosa. Venulae campi antici omnes transversae, regulares; illae areae ulnaris inter ramos frequenter in medio interruptae. Pedes ad apicem tibiæ et articulorum tarsorum, et ad exsertionem spinarum fusconotati vel punctati. Femora anteriora in margine externo spinis longis 4, basi inermia; in margine interno spinis longioribus 4–5 minoribusque 9–10. Abdomen supra fuscescens, subtus minus umbratum vel brunneo-irroratum, frequenter tota longitudine in medio fuscum; segmentis utrinque puncto fusco. Cerci elongati, articulis 5 ultimis elongatis, apice imo fusco.

♀. Lamina supra-analis late trigonalis, apice semicirculariter incisa, angulis distinctissimis. Ultimum segmentum ventrale ad apicem nigrum.

♂. Lamina supra-analis rotundata, subincisa, infragenitalem superans. Cerci ultra medium graciles, articulis 6 ultimis valde discretis, 4 submoniliformibus, 4 moniliformibus, 2 ultimis gracillimis, ultimo nigro. Lamina infra-genitalis transversa, inter stylos late transversa, vix arcuata; styli invicem valde remoti, ad cercos appositi.